



गरु स्तुति

राज दुलारी कोल
पठानकोट



अपनी बात

गुजरते चले गये जीवन के इतने बरस पर 1971 का वर्ष मेरे जीवन को एक विशेष रंग और आकार प्रदान कर गया। गुरु के प्रति मेरे भाव गुरुस्तुति के रूप में प्रकट हुये। गुरु के पुण्य जन्मोत्सव पर प्रातःकाल की पूजा के समय यह गुरुस्तुति गुरुचरणों में समर्पित होती रही।

1988 में मैंने गुरु आजानुसार इन सब गुरुस्तुतियों का संकलन किया जो अब तक रची गई थीं। यह संकलन जब परम् पूज्य गुरुदेव के हाथों में आया तो उन्होंने बड़े शांत भाव से अचानक यह शब्द बोले "यह रचनाएँ करुण रस से तथा भक्तिभाव से ओतप्रोत हैं जो पाठक के मन को द्रवित करती हैं"

1971 से लेकर 1997 तक की रचनाएँ मैं अब द्वितीय संस्करण के रूप में ईश्वर आश्रम ट्रस्ट को समर्पित कर रही हूँ ताकि भीलनी की भक्ति के रूप में यह आप के हाथों में पहुँचे और ट्रस्ट मेरी भावनाओं को समस्त भक्त वृन्द तक पहुँचाने का सुन्दर माध्यम बने।

श्री गुरु महाराज के भैरवधाम सिधारने के पश्चात् इस स्तुति रचना का क्रम चलता रहा क्योंकि यह उनकी ही इच्छा एवं प्रेरणा का फल है।

मैं उन सन् आश्रम कार्यकर्ताओं एवं भाई बहनों का आभार प्रकट करना अपना दायित्व समझती हूँ जिन्होंने समय समय पर मुझे यह संस्करण (संकलन) छापने के लिये प्रेरित एवं प्रोत्साहित किया।

राजदुलारी कौल

गीतांजली

पठानकोट

गुरुवे नमः

१९७१

जनवरी माह में जब श्री ईश्वर-स्वरूप
स्वामी-लक्ष्मण जी पठानकोट 'गीतांजलि' में पद्य
ले-लेते मन के उद्गार फूट पड़े।

गुरुवे नमः, गुरुवे नमः

गुरुवे नमः, गुरुवे नमः

प्राराण ब आऽसस यथ दोहस
सारि वरिय मंज मागस पोहस
गोर यिऽय म्ये घर करि अनुग्रहः
गुरुवे नमः

अज सांनि घरि शिवरात्री
अजि साऽन् शिवचतुर्दशी
अज साऽन् नलि गंडगि
हुन्द प्रवाह

वथराविमच अऽछ असिवतन,
शुरि बडि छि प्रारान स्वागतन
सारिसय घरस खाऽतिर जमाह,
गुरुवे नमः

शो-लान छु घर प्रभाव किनि
प्रजलान छि सारिय मूनि त चीनि
घटि मंज सिरिय त्रावान छु गाह
गुरुवे नमः

गुरुस्वै नमः

१९७२

ईश्वर स्वरूप कृपानिधान बऽति दीव छस
अनुग्रह मंगान

दामन मेय रोऽटमुत दीव च्योन।
कस लार पत, बेय कुस छु म्योन।
चुय म्यानि पहचान म्यानि ज्ञान।

अथ रोट करिऽम कांह छम न आश,
पर लेख, हेछ तिति छुम न बाश
मुखस दया चाऽनीय छि ज्ञान

कव ज्ञान पऽरि पऽरि, शिव लभुन,
कुनि किन्य गोऽछुम तारा लगुन
खन कूत सोन युथ म्येलि कान।

भक्ती धनस छस रछि करान,
माया थफ दियि दियि निवान
किथ राऽछि कर अथ दिम सु ज्ञान।

योद् टोठ गछिय काँह भक्ति-जन,
पूर्ण गछन तस साऽरि प्रण
तार गछि तरिथ सऽह लड करान।

उत्तम छु दोह शूभायमान,
असवनि छि मोऽख मन साविधान
दूप दीप कनि आलवय बऽ प्राण।

छुम क्या म्ये सन्चयेथ कोरमोत्तुय,
भक्ती धन तिन रोछ मुत्तय
युस पेश करहय नवनिधान
'राज' दीव छस अनुग्रह मंगान।

२

गुरुस्वै नमः

१९७३

“कबीरा ते नर अन्ध है, गुरु को समझे और
प्रभु रुठे गुरु ठौर है, गुरु रुठे नहीं ठौर”।

भव बन्धन हरवनि हरय
आराधना विजि विजि करय
दूरिय दिहमना पूरेरय। आ०

प्रव चानि तीजचि यस पेडवान
मन छुस भ्रमान' जुव छुस चमान
छिस मशान शुरि बाडच टोठ घरय। आ०

मन्दछान मंदछान छस यिवान
पापन पननेन साम हेवान
आरतिस बोजतम आडरचरय। आ०

निर्बल ब शक्तिहीन छस
दीनन मंज बडइ दीन छस
शरणागत ज्ञान सागरय। आ०

जप तप यज्ञ व्यचार ज्ञान
अमि मंज कुनिच मा छम म्ये ज्ञान
अनज्ञान पोडश-हिश यिन मरय। आ०

रंग रंग च्ये पूजान ज्ञानवान
कमि रुप पूजथ व. गारजान
लछनावि कर कृत्य अरसरय। आ०

शिव रुप साहयक नाव च्योन
मनुष्यरुप गोऽण प्रेमभाव च्योन
गुरु रुप तार दिम भवसरय। आ०

छरि अथ व आमच 'राज' छस
छुम क्यह व चेय मोहताज छस
चन्दछेनि भ क्याह सौदा करय
आराधना विजि विजि करय॥

२

गुस्ववे नमः

୨୯୬୪

मच्चि न्येन्दरि मंज वुज्जनावतम
पर-छेयिन ब पर मत पावतम
असलच्चि म्ये नज्जरा त्रावतम
पऽज्ज वथ म्यं हावतम सत्गुरु॥

वुछि वुछि जगथ वोन्य तूफ गयस
 वुनि मा मगर पायस प्येस
 मायाइ तूफान यिन डुवियेम
 दोऽल प्येठ म्ये त्रावतम सत्गुरु॥

शर भक्ति हन्दि अन्दरी गजिस
व्यवहार च्येव फांसेयव वजिस
मोकलावनुक पाया करथि
भव सेन्ध म्य तारतम सत्गुरु॥

जऽर छस दिवान वीदन व कन
अन्यि छस दियान यन्य शास्तरण
पोज मान्य लभ युथ मन्तरण
तिछ वेऽद्य म्ये हावतम सत्गुरु॥

अजन्यान छुम छस मूरखा
किथ वन शिष्यव मन्जु छस अखा
शिष्य भाव क्याह - शिष्य कस वनन
गोहिराह मित्रिहाराह लोचनो, रेनवारी. डि

बब ज़ानिथय शुर चाव बरय
शिव मानिथय भक्ती करय
भेक्षक बनिथ मन्ग मन्ग करय
अपराध नेऽयवारतम सत्गुरु॥

शुरि बाऽच घरबार सोर च्योन
योर क्याह दिमय बो क्याह छु म्योन
पानय अनाथस आरऽतिस
अवतार धारतम सत्गुरु॥

रुम रेशनुय लगिनय च्ये आय
दिम पादि कमलन तलम्ये जाय
विज़ि विज़ि पृछान रोज़य ब दाय
अथ् प्येठम्ये थावतम सत्गुरु॥

छिय अज़ खज़ानन ठान वथि
छरि चन्द तु वोन्द छुख अज़ बरान
मोहताजनय मन्ज 'राज' छस
केंछा म्ये यारतम सत्गुरु॥

२

गुरुवे नमः

१९७५

कर्म हीनस प्येठ दया कर,
हे दया सागर प्रभु॥
भक्ति भावुक दिम कुनुय वर,
ज्ञाण गोऽण सागर प्रभू।

केह नमान छिय मनुष्य रुपस
केह नमान शिव भावसय।
गुरु ब लगहय संतस्वभावस
बोजतम अऽरचर प्रभू।

ब्येध छि क्या पूजाय हन्ज,
पाटचि त ज्ञानचि हावतम।
पजरचिय जुच त्रावि गाह,
त्युथ कांह वोपाया कर प्रभू।

सर ब त्रावय च्ये खोऽरन तल,
गोऽड दिमय अशि वानि सूति।
दीप दूप कनि प्राण आलवय,
तर ब ध्येव भवसर प्रभू।

बोऽछि हच छस छम स्यठा बोऽछि,
चान्यि भक्तिभावचिय।
ओशि वसन ददराइ येलि,
मेलाण स्ये दोन राछर प्रभू।

छुम न ताकत या हेऽयमथ,
गोऽण चानि वर्णनयुथ करय।
कांह वथा म्येति हावतम,
कर पान पानय सर प्रभू।

मदहोऽस मन म्योन फेरान,
रासि रोस्त वुछतन चोपारि।
वाऽरि मा छुम जांह दिवान,
कर बु युथ हर हर प्रभू।

दासभावय गुलि गंडिथ छस,
डेढ़ि तल प्रारान गद्दा।
अज चु खुल दिल बागरान,
म्येति केंह अनायत कर प्रभू।

छस अज्ञानी छेनि त पापी,
डालि क्या सन बो दिमय।
ज्ञानकिस खाली खजानस
चुय करुम भरचर प्रभू॥

२

गुरुवे नमः

१९७६

शरणागतन छुखा जार बोजवुन।
अपराधन छुखा क्षमा करवुन॥
भवसर सागरस ताऽर तारवुन।
दास जानिथ म्येति तार छुय ध्युन।

दिल फुटिथ्य गुरु शरणि आयसय।
युग्य छसन तोति द्वारस चाइसय॥
मन मन्जिलिस मन्ज प्रंग पारिथ।
नाव च्योन ह्योत म्ये लोल ललनावुन॥

बूथि आंऽथ रोस्त वुछि म्ये संसारिक।
खुरि ग्रन्ज रोस्त वुछि म्ये व्यवहारऽकि।
आश्चर डीश डीश गुरु द्वाऽरकि।
शोम्मरिथ पान प्येव म्ये पुशरावुन॥

पूजहथ पूजाय हुन्द छुमन जान।
सोऽरहथ साधना छसन जानान॥
अऽशिवानि गोऽड ध्युन पादि-कमलन।
छय म्यानि पूजा त म्योन वनवुन॥

जान जानवानन वेयदवानन।
भक्ति हमखूर अनजानन॥
भीलनी हन्द पोज भक्ति त भाव।
भगवान म्यानि सविकार छुय करुन॥

मटि छुथ हयोतमुत गुरु म्योन वार।
छेऽत कर वति वति मूहनि नार॥
कर्म-सुम सेऽजरुम वति लागुम।
आधार छुख म्योन चार छुय करुन॥

दय बुछि मेय चानिय बड दयगथ।
प्रेरणा दिथ ध्युतथम सामर्थ॥
दयाई प्येठ छुहम येऽन च्युनुम।
तन पान हयोत पनुन म्ये प्रजनावुन॥

छम न कल कांसि हन्ज तृफ छस बो।
सर्वस्य म्योन छुख टाठि लगयो॥
चेयि रोस क्याजि कांसि अथ दारबो।
चुय म्योन दरदिल टोठ त पनुन॥

ईश्वर आश्रम वन छुन क्याह।
थदि थोद तीथा बोऽड मन्दिरा॥
जगि हुन्द पालनहार करतार।
साक्षात शिव येति छुवास करवुन॥

अज छुलोगमुत येति च्योन दरबार।
अनुग्रह कांछान छस वोमेदवार॥
'राज' नाव छुम शासक छुहम चुय।
बजि बारगाहि छुम म्ये मुर दारुन॥

५

ॐ गुरुवे नमः

१९७७

युताह नोऽन च्योन तीज त प्रभाव।
त्यूतुय घोऽन छुय म्योन भक्तिभाव।
भक्तवत्सल बन्ध द्वार वऽथि म्ये त्राव।
नख इख छुम कीवल च्योन नाव।

प्रागाश पननुय दिम निर्मल।
फोलि युथ मनकुय पम्पोश इल।
ध्यान धारनाय प्येठ मन म्ये ठहराव॥

सर्वशक्तिमान अन्ताकरण म्योन।
शिवपूजि लाऽगुन कासिथ ग्रोन।
ज्ञान अमृत कुय रस म्ये चावनाव।

पांचवनि पीडायन दित्त नार।
वत म्यानि शेरनुक छुय च्ये यखतियार।
विषयन तुपापन सुम् फुटराव।

च्योनुय स्वरूप ज़ोतान चोऽवापोर।
चोनुय व्यवहार बासान म्ये सोर।
आवलनि मज नेऽर तिछ वथ म्य हाव।

चुय तूफानन छुख अनन वोल।
वावमालि मंज चुय छुख रखन वोल।

मटि छय च्येय म्यानय फुटमऽय नाव॥

येम्य अनुग्रह अहल्या तऽरथन।
येम्य दृष्टिय वोरथन विभीषण।
सुय अनुग्रह कर म्ये दास गंजराव।

तन मन वाणि मंज च्योन वास।
चुय म्योन बब चुय म्योन विश्वास।
मुंह अन्धकारुक नार छेऽवराव॥

पूज करहय योद दूर आसहख।
प्रथ क्षण मनि मंज येलि न भासहख।
ध्यान म्यानि किथ करय गाऽर वर्ताव॥

केंह छमन कल केंह छसन छारान।
तोतिछस च्ये ब्रोहकनि अथ दारान।
क्याह-तामथ गोऽछुम वेजि छुमन नाव॥

जन्म दोह छुय क्याह दीव दिमयो।
सून्चि सून्चि 'राज' हारेयस बो।
स्तुति भेंट म्यानि गुरु कन भाव॥

८

गुरुवे नमः

१९७८

स्वीकार कर म्यानि प्रार्थना,
मनचिय कुनिय अख कामना।
जन्मांतरन रुजितन म्ये गुरु,
चानिय कृपा चानिय दया।

संसारचेन खुरि कान्गरेन,
अंजरान गछान छिम राथ द्यन।
पडकि पडकि थचिस वाडचस न कुन,
बडलि पदि फलिम कडहा थखा।

कर्मफल पननि भूगनि म्ये छिम,
कर्तव्य पननि पालनि म्ये छिम।
कीवल गोछुम दृढ़ आत्मबल,
युथ सागरचि मेलियम म्ये थाह।

वनि युथ यिहम वन्डय छस दिवान,
पदि पदि छसय पादन पयेवान।
छेन युथ लगियम मायाइ निश,
तिछ केह म्ये हावतम कोऽदरथा।

होऽश इजिमच गीरान छस,
मंज सागरस यीरान छस।

पजि वनि निश अन्तान हस,
गुरु हावतम काह पडज वथा।

छारि-छारि ब नाहकय दरबदर,
अथि आम न जाह सूक्ष्म पहर।
अऽनि कतरेन गिन्दि गिन्दि करियिम,
अरसर त च्ये लोयमय सदा।

साधनाई ग्रन्ज केहं मा कोरुम,
अछ मा वचयेम ध्यान मा दोऽरुम।
प्रथ जाइ तय प्रथ शायि मंज,
डीशिम म्ये चानिय बारगाह।

सीवाय ब्रत छुम धोरमुत,
यिति चोन वर छुम मोनमुत
व्यवहार कुय दोरुन धवुन,
न्येथ मान छेय म्यानिऽय प्रदिक्षणा।

भक्तेन शिष्यन, टाठियन हन्दिय,
हिस मंज बचेमति केह फलिय।
दिम दास ज़ानिथ येति यछख.
सोय - 'राज' प्रावय ब सम्पदा।

ओं शांतिः! शांति!! शांति!!!

२

गुरूवे नमः

१९७९

येछि पछि भावनाय सूति
च्यानि मायाय लगयो।
शिवभाव येति च वखनान
तथ गुप्तगंगाय लगयो॥

आधार म्योन छुख चुय
व्यस्तार म्योन छुख चुय।
अन्यगटि मंज गाश लुऽय
टाठि सरमाय लगयो॥

वऽणी छिम न अलफाज
छिय मा खटिथ म्यानि राज।
सर्वशक्तिमान चयऽनिस
दिल रछनस तु माय लगयो॥

अपजिचि कामनाये
नादुरस आशाये।
बुछत छलरावान छम
च्यान्य लीलाय लगयो॥

रुत कृत भक्ति तु ज्ञान
भखचुम इ बासीय जान।
पुशरोवमत्त छुमय पान
चान्य यछाय लगयो॥

छम नयाबथ वारियाह
तोति बु मंगय भिक्षा।
मत करत अज त पगाह
मोकलनपाय लगयो॥

दिम स्थिरता मनचिय
ज्ञान परमानन्द चिय।
निर्मल अमृत स्वरूप
शिव सत्ताय लगयो॥

श्वास उश्वासस मंज
आमस त खासस मंज।
चोनुय तीज डेशान
छस प्रथ शाय लगयो॥

छर ज्यूल्य अजि बरतम
हल मुश्किल करतम।
अघूरि अपराध हरतम
'राज' दयाय लगयो॥

२

गुरुवे नमः

१९८०

“यदि हरोसि तदा हर दुष्कृत,
यदि भवोसि तदा भव भूतये।
यदि शिवोसि तदा कऽरु मे शुभम,
शमय दुःखमिदं यदि शंकरः॥”

पुशरोवमुत छुमय पान यचकालुक
अद याद थावुम या मऽशरावुम
करनावि तार दिन वोल् छुख पानय
अद बठि लागुम या यीर त्रावुम॥

दूरि रोजनस म्यानिस मान्ये क्याह
रात घेन मनि मंज छुम चान्य कांख्या
क्रूठ मंजिल जिन्दगी हुन्द बुथि छुम
अद गट हावुम या गाश हावुम॥

पननेव करमव करहस परेशान
आकाश पाताल बासियोम मेलान
जारी करमय परवान सूजमय
अद मन्दछावमु या नेशनावुम॥

चोन महिमा वननुक छुम न ताकथ
राऽछि करथम त्रट तामथ गयम पथ
भक्त वत्सल चानिय आऽच छुम म्ये सथ
अद वदनावुम या असनावुम॥

ज्ञानिथ म्यानि मुशिकल तु वखतकि जख
 अथ रऽटि रऽटि दोपथम ब्रोह ब्रोह पख
 पऽदि लूसिऽम वनि वेसरेयसय बो
 अद शक्ति दिम या डुल त्रावुम॥

अनुग्रहं कोरथम यऽच पाननाविथ
 वुज नावथस नोऽन प्रभात हाविथ
 म्योन आरचर छारान छुय हरदम
 अदनख थावुम या दूरि थावुम॥

पादि कमलन अकि लटि लोल बरहय
 अशि गंग वानि पम्पोश पाद छलहय
 भावुक भूज्जन थालन बरहय
 त्युथ साथ दिम या गोरु तरसावुम

बड़ि दोह आयस बड़ि आशा हेथ
 वति डजिमच छस ध्येव लब पऽज वथ
 छुख ईश्वर स्वरुप छुय नोऽन ताकथ
 अद खाऽलि सोजुम या रन्जनावुम॥

जन्म दोह चोन सथ हेथ इवान काचाह
 जन सोत हेलि नेरान नव आशा
 गोणहीन ज्ञानहीन "राज" चानिय छस
 बड़ि दोह मेति बड़ि योक्ति हावुम॥

८

गुरुवे नमः

१९८१

“जयति श्रीगुरोरेष प्रादुर्भाव दिनोत्सव
समागता जना यस्मिन, भवन्ति विमलाशयाः”

अन्तर्यामी पान छुख भगवान
नेकन बदन पालान पेत्रान
छिय वीदान्ती ब्योन ब्योन वखनान
भाग्यवानन छि चानि पऽज पहचान॥

मूर्ख छिय मूर्खता वेछनावान
सिर्यस हावान ज़न चांऽगि गाश
नाहकय अनजान वांऽस छेम्बि त्रावान॥

मन मन्दिरस मंज लछनावि वास चोन
आश्चर्यमय खास लीला चानि
नारस गुलज़ार कऽरि कऽरि थावान॥

तति चरणन तल ब छसय डोलान
येति चानि प्रतिभा छय शोलान
लोऽल छस पाद चानि लोऽलिललनावान॥

पोश फलिमति चानि तीरथऽकि बागस
मागस लजिख ग्रख चित्रनि हिश

पोशमनि वनि वनि छिम चानि एहसात॥

गुलवारि हन्दि छिय शुरिभाव पूजान
सथ छख डखि असि छु पान भगवान
राऽछि चानिय छख रोजुख मेहरबान॥

वन क्याह कोताह अति छा सुम सोऽथ
वननस ति मा हेयक जांह हेयथपोऽत
चानिय छि भाव चोनुय सोरि सामान॥

प्रहलादस धुवस यिथ गयि पहचान
तिथ कनि मेति दित ज्ञानुक ज्ञान
दिख अहल्याइ ज़न मूखयुक वरदान॥

मायायि चानि हुन्द सागर सनि सोन
लाल अथि लगि यस तगि दुंग ध्युन
गुरु अनुग्रह सूति सख सहाऽल छु सपदान॥

ईश्वर स्वरूप आयस पाय लगिनय
मायहच मच सीवाय वाऽचसय
ध्युन हयोन शुभान बेन येति छु आसान॥

भक्तिभाव वहरस सऽच सोम्बरावेम
रऽछि रऽछि रंग रंग चूनि थावेम
पूरि ठहराव "राज" पाऽरय दामान॥

५

गुरुवे नमः

१९७२

“पूजा की विधि आती नहीं,
भक्ति मिले कीजै कृपा
गुरु अर्चना नहीं जानती,
मेरी सुनो आराधना”।

शेव मतकुय ज्ञान भंडार
पूजि युग्य चयोन टोठ व्यवहार
यस प्येठ छि मेहर चाऽनिय
तस छि सिद्धि प्रथ दरबार॥

छुख आश चुय गाश रोस्तेन
नख फयोकं छुखं पत्थर पेयमतेन
छोक लद मन छि योर वातियऽथ
नवि सर ज़न गछान बेदार॥

चुय दर दिल कुनेन त कीवलन
छुख परम धन च मिस्कीनन
त्रेन तापन शोऽमराववुन
कल्प वृक्ष चयोन अख शोहजार॥

तस क्याह करि नफरत त दुय
यस आसख सूति सूति चुय
कासवुन शापन त पापन
दियवुन रजिय त रोजगार

पथ कालिक छिम करम जान
सतगुरु म्यूलुम चयोन थान
सथ समीरचि डखि रुदहम
वतहावुक त बोडड मददगार॥

काचाह सन छस भाग्यवान
ज़ारपारस ध्युतथम ध्यान
गुरुदेव कोरथम कल्याण
लोचरोऽवथम मनकुय भार॥

जन्म दोहस छि महिमातु शान
दीऽवता पूज़ि योर वातान
कस कमि रुप टोठख चुय
यि छु सपदान कर्म अनुसार॥

येमि यछ पछ सोम्बरावय
शिव प्रतिमा पाऽरावय
तस लोल बरत यल त्रावुस
बन्द गामित सारिय द्वार॥

बंद करथस न कुऽनिबापथ
पूर गोम प्रथ कांह हाजथ
ती द्युतथम यथ न सीमा
मंगनस क्युत ति थोवथमन वार॥

अशि गगि वानिकि मोखऽत दाऽन
भाव सूतरस वूरियऽम पानिपाऽन

नालि त्रावय प्रेयम भक्ति साऽन
ईश्वर स्वरूप कऽर स्वीकार॥

दिन वोल चुय मूख्य दाता
दिन वालिसय क्याह दिय कांह
“राज” आयसय आशा हयेथ
गुलि गडियथ छुय नमस्कार॥

५

गुरुवे नमः

१९८३

मशराविथ लूभ मुह तै अभिमान
पम्पोश पाद पूजनुक दिम म्ये वरदान॥
साय म्यानि छसया चोऽन ज्यूठ आऽय कांछान
पम्पोश पाद पूजनुक दिम म्ये वरदान॥

ग्रेहदेन व्येगनन तै बाधायन
चानि सुमरच सुतिय लगवुन छेऽन
म्ये छि सथ यीचय गोऽर छुम मेहरबान॥

बन्धन छिम कूरि छस पर प्येमच
चन्द बांधव डीशि डीशि त्रहेरेमच
दोह कोह ज़न थदि छुम डुल त्रावान॥

नचनावनस भंग दिथ व्यवहारण
छेन छुन जांह म्यानेन अऽशि धारण
आरचर च्यानि रोऽस काह छुम न बोज़ान॥

क्याह हेय क्याह दियि संसार मनषस
नाहकय वति डलनचि गफलथ छस
फांसि प्येमच मूलेह छसन यल त्रावान॥

अवगुण डीशिथ म्यानि बयेन थावख
ग्रंज मन्ज जाँह यिन म्ये मशरावख
शर्मन्ड छस छसन सीवाय वातान॥

युग्य आसहा बुति पूजाय वातहय
जाँह कालि बुति परम सीवाय वातहय
येति पदि त्रावहख तति आलवहय प्राण॥

क्याह धयान धारय क्या कर स्मरण
छुऽन पानस निशि आसान म्योन मन
भाव होऽत मोऽत अन्दि पखि येति फेरान॥

गोऽर. लगहय माइ सोऽस व्यवहारस
चानिस बजरस आश्रम द्वारस
परिपूर्ण बुछहथ छुम म्ये अरमान॥

तस कति डलि वथ युस वति लागहन
तस कति सन भय युस लयि अनहन
यस गछि अनुग्रह तसछु पूर कल्याण॥

न्येथ प्रथ मन म्योन छुय यूरि वातान
दर्शन भेक्षा हयेथ पोऽत फेरान
हाव भाव छुमन पऽदि पऽदि छस हारान॥

कोऽठि दरराविथम छम चानि प्रेरणा
नत यीर गछ तेज लहरन छु प्रवाह
गोऽर सोंचान छुख म्योन नाकार जान॥

सोन्त सग लगिनय हरद गाय डलिनय
सानि मटि हेचमच पीडाइ चलिनय
सथ रुजिनम छऽस 'राज' आशावान॥

सतगुरुखे नमः

१९८४

शिष्यानाम मोक्षदानाय लीलयादेहधारिणे
सदेहेपि विदेहाय तस्मै श्री गुरुवे नमः॥

सनिलोलऽकि त घनि भावकि पोश
डालि आइसय बुमालि सौगात हेऽथ
पूज करहय दितम हना अनवाऽरि
चाऽनि सुमरन म्ये छम समीरच् सथ॥

वऽहिक गटपछ त द्वादशी दोह आव
श्री रामुन प्रभाव लक्ष्मण जाव
नवनारननिस कोऽलस मंज ज़न
सिरय प्रज़लयोव आइ नऽव अथवथ

बब श्री राम तेऽश त आश नविनय
भाग्यवान मांऽजि शत प्रणाम भनिनय
शिव साक्षात गोबर ग्रन्ज पोलथन
खोनि मंजुल करिथ रऽछथ शोहरथ॥

प्रव फहलेयि अज लइयन गट चऽजि
नऽव फुलया होछेन थरियन बेयि लऽजि
थामि गामचन शयन ति गव अनुग्रह
नाशादव ति शादि हन्जलब् वथ॥

नजरसाऽनि स्यठाह चोपारि करथम
चेऽथय परेशान क्या सनाजि थवथम
सेद्विदाता त वेघनहर्ता छुख
कर नजरा बनाव वसीलऽच वथ॥

नेयथ प्रभातस छसय स्वरूप डेंशान
कुनि तोशान न कुनि छसय रोशान
नाज भरदार राजदार छुख म्योन
छमन पानस अथे पननि काँह कथ॥

परम सोऽख छुम दिवान रसियुल ध्यान चोन
चानि आसर वराय छु क्याह मोऽल्ल म्योन
दोरि सोजान छसय मनकि वाहक
दूरि प्रारान छसय व छऽर ज्यूलि हेथ॥

कर्मरत रोजनुक बखुशथम बाश
वेसरेमतेन हेऽसन धयुतुथ यादाश
जेटि हन्जि गंगि मंज दितम अख दोछ
युथ गछि होछ मचन जोइन भरकथ

जागि रुजसय ब मागनिस मासस
रजिदर लोऽग म्ये आत्म विश्वासस
थामि गइसय ब दीन शबरी ज़न
भक्ति भावकि मोधुरि त चोकि बेर हेथ॥

केह हऽलि कऽलि लफज़ ब छस सोम्बरान
चानि अनुग्रह सिमान दि लख मेखान

वनन ब्रौह छस चमान ब छस ब्रहरान
यिन लोकटि आँऽस गछ वनिथ बड कथ॥

‘राज’ आयस मगर शरमसार छस
केह न सीवा करम कसुरवार छस
छस नयाऽबथ ब ओर हेयथ आमच
योर, सोजुम दयातु अनुग्रह हेथ॥

२

गुरुवे नमः

१९८५

स्मरण द्वीप जलाय के, धरु आप का ध्यान
शरणागत मोहे जान के, मेरी पत राखो भगवान

प्रत्यक्ष भास्कर प्रजलान रोज़
दहवनि दिशायन छि चानिय प्रभा॥

संगरमालन छु चोनुय प्रगाश
चमकान छि जून तसुति चोनुय छुगाश
गाश तारुख-ति छुय अख रुप च्योन
सोम्बरय ब जुच प्रजलेऽम प्रेरणा॥

तीर्थस छि आमति दीवता ति योर
दीवलूकस मंज बूजिथ यि शोर
'ईश्वर छु पान बान बान बागरान
अरदहाव नरेऽव, मदतस छि शारिका॥

सीवक त शिष्य चानि थऽदि पाइ कूति
लोति पाइ बूति छसन गोऽरु छुम्ये सूति
व्याजव त आपदांयव निशि रछुम
दादियन करान रोज़ असलुक दवाह॥

छुख सोन राऽछिदर यछ बरवुनय
नारस गुलज़ार छुख करवूनय

प्रेयम भाव दासन छुख वरवुनय
मेलान सोदामन छु च़ेय निशि पत्ताह॥

छस नज़रि दूर छुम लूभ च्योन
अन्ता करण येत्ति रोज़ान छुम्योन
वति म्यानि पख बेयि पूरुम म्ये आश
अछि गाश प्रखटेयम बखचुम शफाह॥

रुपन त च़रितन चानियन लगय
नाश कर पापन त शापन मंगय
छुख मुख्य दाता ईश्वर-स्वरूप
त्रावतम म्ये नज़रा कडतम तमाह॥

मन छुमन रोज़ान स्थिर सावधान
बागचि ज़रिदी छु यामथ बुछान
सग चानि शाखन यिय सबज़ार
बरन, यियख गोऽड़, फेरियख फिज़ाह॥

परम गुरु महताबकाक रामजिय
स्वर्ग प्येठ थलि थलि बुछान छिय
दोऽछि दोऽछि आऽही सोज़ान छिय
चिंतस्वरूपस छिय करान वाह वाह॥

सोंत पत वहिकस प्रारणबु छस
वहरस ब्रन्जि पल गन्ज़रान बु छस
बुछहथ समाधि मंज साक्षात्कार
'राज' रथि खारहा जन्मचि गऽराह॥

गुस्खवे नमः

१९८६

म्ये छम शरमंदगी मा छस बु
जांह सीवाय चानि वातन
अछन मंज छस रछिथ थावन
यि शिव रुप चोन प्रथ सातन॥

वसील् छुम चयोन, नत लव क्याह
बु छस पापी बु छस अदना
म्ये रटिमति छिम, चरण चानिय
यिमय तारन म्ये सफरातन॥

छुथ भोरमत गुलव सूति बाग
फोऽलन सोजुख पनुन अनुराग
स्वपुन साकार गछनचि छि ताऽर
छि तिम आज्ञायि च्यानि प्रारण॥

सर्वव्यापक, च भखचन हार
तुऽता चानिय, छि जानुक सार
अज्ञानुक तम करुम मेयात्ति कम
प्रकाश युथ फेरि तरफातन॥

छय् व्याकुलता म्ये येलि घेरऽन
छु ध्यान चयोन हाल म्योन शेरऽन
दिवान तस्सली छुहम थावान

ख्याल सतगुरु ख्यालान्तन॥

दि ज्ञान प्रागाश मुहचि गट गाल
रोज सूति सूति पनुन प्रण पाल
बनिथ सायिबानकरुम रक्षा
लगन युथ ताऽरि वारिदातन॥

अजियुक दोह शादि हुन्द दोह सोन
आलवय सोर नोव क्याह प्रोण
छम मांद चानि लोल छुम च्योन
म्ये गऽछ च्यानि छाइ आदातन॥

वन्दय जुव जान दोऽध खोऽरनऽय
गछय अर्पण ब् दर्शननय
करय स्तुति ब क्षण क्षण चयानि
परय हर हर करय कीर्त्तन॥

अज बागरान छुख रुत रुत
दितम म्योति बान् रटनस क्युत
दया दृष्टिइ अन्दर थावुम
सोपेर छुम चीरि छस वातन॥

सोऽरिथ महिमा बजर च्योनय
इवान पूरऽन छरेऽर म्योनय
अछव गंगि धार हारान छस
गंडान बजि गेजि ब जज्जातन॥

मंगान युस ई दिवान तस ती
रछनवोल दिल च, प्रथ अकिस्य
येमिस आसख च, पाऽन डखिस्य
बनान तस पोऽऽ संग - लातन॥

मीठ भक्ती न, टोठ च्योन ध्यान
रुति च्यानि वाक, अथाह च्योन ज्ञान
च्ये युस येमि विजि करान स्मरण
तमिस निशि पान छुख वातन॥

भु छस मुरख भु छस निर्धन
नख किथ वाल गुरु चानिइ रेऽन
सबील करवुन च छुख पानय
वन्दय 'राज' जुऽव करामातन॥

२

गुरुर्वे नमः

१९८७

आमऽति छि आशावान सारिय
म्येति करत कांसि हन्दि पासऽयारिय
लागय ब भाव पोश चाऽरि चाऽरिय
मेति करत

प्रथ कांसि हन्ज छय पय तै खबर
कस कोऽस कमी तै कस कुस हचर
छस आरक्रांच दिम म्ये अऽनवारिय॥

दान दान अर्घ-पोश गछि चारुन
सबरुक मस चेऽयथ गछि प्रारुन
पत कनि छऽरि अथ दारि दारिय॥

छुम कूत अज्ञान काचाह कमी
जानिथ ति लागान छस बेकलऽय
रछतम हेचऽथ येलि जिम्मवारिय॥

यस दिख च जाय पादि कमलन तल
मन कामना तस गछन छि सफल
छस चलान छूऽट छूऽठ नादारिय॥

प्राराण रुजसय स्यठा चेर ताम
सेयद गछि म्ये कामना कर इनतिजाम

अनुग्रह करवुन चु कति कुतियन
मेति चाऽनि रफाकथ सूति सूतिन
लाल साब करय प्याल बरदारिय॥

ईश्वर-स्वरूप छुख बोनि शेहजार
अख अख कथ चाऽनि छि ज्ञान भंडार
रोज़हाऽन दूर छम म्ये लाचारिय॥

पहचान छम कम छम ज्ञान कम
गोऽर छूम साहएतस क्याह छुम गम
पादि कमलन वंदय शर सारिय॥

शाह खस वसि मंज गुरु वास चोन
ध्यान म्योन छुख प्राणधार म्योन
पूजा त पाठ म्याऽनि वील जारिय॥

पर पेनचिय येलि आयम नौबथ
चाऽनि नावन दिचनम शफाकथ
ध्युथम पूरियर दाऽरि दाऽरिय॥

गट ज़ोल चानिय गाशऽ छु चलान
अज्ञान किनि छम पछ थांथरान
छम गछान गफलत सराजारिय॥

तन्दुरुस्ती दीर्घायु त बल
डालि वातिनय दीवलूक प्येठ जऽल
युन त गछुन योत रुज़िन जारिय॥

शुरि क्या - ज्ञानन करुन कारबार
वत हावुक चुय दित व्वस्तार
पूरि सोदरस चानि सरदारिय॥

“राज” पूजय ब नेथ पादिकमल
जेरि सूति तारथि कास गांगल
ननि छम ताल खोऽर ननवारिय॥

२

गुरुवे नमः

१९८८

शक्तिमान वंदयो जान गुफतारस।
वारय बु प्राण यथ दरबारस॥

वोनमय त मोगंमय कनडोल ध्युतथम
वननय बूजथम हाल अवहाल
वसील रोसितेन वसील करवनि
वारय बु प्राण बोऽनि शेहजारस॥

पननेव आंथरोऽस पापव वजिहस
पापमूचन तोति ध्युतथम मान
शरणागतनै शोऽद बोऽद दिववनि
वारय बु प्राण अपराध हरनस॥

रुति साथ रुतिदोह सऽत वथ हाऽवथम
आश्रम यिनकुय साल कोरथम
वन्य किथ नेरय पोत किथ फरेय
वारय बु प्राण मसतान रुपस॥

चानेन चरनन तल बो आयस
नदन-वन जिंद पान चायस
शैव अमृतकुय रस चावनावथस
वारय बु प्राण कथ वेछनावनस॥

केह सीवाय सूति मन डंजि थावान
केह प्लि पावान शास्त्र तु ज्ञान
म्यानि दऽसि च्ये खोऽर फलि अऽदरान घरि घरि
वारय बु प्राण दास भाव वरनस॥

खसवुन वसवुन शाह छुय जफ म्योन
व्यवहार करनावान ध्यान चयोन
छऽरि भाव मूढ़ मनकिय पूठि मानिथ
वारय बु प्राण सर खर करनस॥

प्रेरणाय आगाज अंजाम चोनुय
मंजिलस वातनचि दिस अनवारि
वारि वारि वाऽरि छिय छारान सारिय
वारय बु प्राण बोल बोश बोजनस॥

स्वस्थ सेद्धिदायक रोज प्रथ घरि
असवनि मोख असि दर्शनु हाव
शक्तीदायक स्वच्छन्द रुपस
वारय बु प्राण वोथनस तु बेहनस॥

माय साऽनि रुजिनय म्यानि टाठि सतगुरु
मूजूयद रुजिन असि चानि आश
कोऽम मोठ म्यानि छै अर्पण चरणन
वारय 'राज' प्राण जन्मदोहस॥

‘जय गुरुदेव’

१९८९

छिय मंगान असि इ वरदान

सत्गुरु करत कल्याण॥

मोकलव बन्धनव निशि, सरिनय ई छि खवाइश

आमित छि आशाय सान॥

दय दियनय ज्यूठ आय, असिति करत मोकलन पाय

भक्तिन छुख मेहरबान॥

अरनिमालि माजि येलि ज़ाख, जगतस तारनि आख

माऽजि आऽस सोति कर्मवान॥

राम जी गव हर्षस, सथ कोल खति अर्शस

बेऽनि पोफमास, वनवान॥

सिरय प्रागाश नोन ब्राव, लक्ष्मन थोवहय नाव

घर चाव पान् भगवान॥

बुछहेय सास बदि रूप, जोनुख आव कुलदीप

मारकन मंज छु ज़ोतान॥

क्याह करि ध्यप्पु तै हेयोन, क्याह करि परुद पनुन

भक्ति भावस छु टोठान॥

भावोय हाल पनुनय, आलवोय जान पनुनय

घर भार यि कैछाछुजऽयान॥

चरण कमलन तल लछ, मानतम बेयि क्याह छस

‘राज’ रोज़य बु प्राराण॥

गुरु स्तुति

१९९०-९१

ईश्वर स्वरूप स्वामी लक्ष्मण जी के चरणों में समर्पित।

छेपि छाई रुज़ि-रुज़ि वाऽति चानि पूजाई
भक्तितेन हन्दि भगवान कर वरवारय॥

वखतचि वुनले अऽसि यँच थाथँरावि
पाप बोर गोब गव येमि बुथि किनी पावि
छटि तै गटि निश रछि चानि राय त्राय॥

नाव चोनुय नावि सॉनि हुन्द आधार
चुय बठि लागख छुख तारनहार
ग्रजवनि छि व्येतस्ता कौंस छठ छाय॥

फुटमुत दिल हयेथ छस घरि द्रामच
रोदाद बोज हम शर हेथ आमच
अन्दरी फटमच किथ कऽर बुहय वाय॥

कति वोथि कति बेहि पाऽन ज़ानान चुय
अन्तरयामी परखावान चुय
कूफ खतिमति माफ कर मेलियुथ न्याय॥

बोल बोश कॅर वनि कूति जानावार
रेषि वॉरि हन्दि कातियाह रुति सरदार
हान्छि लगि केह त्राऽवि त्राऽवि घर भार द्राय॥

कर्मव पननेव पानय गयि गीर
असि पानय छेटरोव श्रुच तकदीर
अहंकारस असि दिच प्येठ कनि जाय॥

अऽसि आसि प्रथ रंग फटनस आगति
लक्ष्मण रेखऽइ निशि ब्रोहं द्रामति
राक्षसव नाल वोऽल छुन मोकलन पाय॥

लक्ष्मण वोऽथ, गछ श्रीराम बेदार
मायां फहलिन चानि अपरम्पार
काँसि कर्मवान सन्दि धर्म कर वोऽपाय॥

ओश हारान हारान 'राज' थचिसय
नाव चानि कातियह, पैगाम लीखिमय
कांह लीला हाव युथ न रावि जेऽन जाय॥

२

गुरु स्तुति

१९९१-९२

ईश्वर स्वरूप स्वामी लक्ष्मण जी के चरणों में समर्पित

जन्म घेन छु, च्योन् सोन-बोड् त्यौहार
गुरुदेव भविनय जय जयकार
गुरुदेव भविनय जय-जय कार
महादेव भविनय जय-जय कार

पानि सूतिन चाँगि चऽय जालान
मक्तितेन दोःखत् दादि चुऽय गालान
डालान ताफ तय दिवान शेहजार
गुरुदेव भविनय

वर्णातीत छूख आशचर्य मय
कास असि खाऽरी वखतुन भय
असि छि यीर, छारान सुम सोथ त सार॥
गुरुदेव भविनय

पोश चमनन सूति छै च्यानि तै
असि ति चाऽनि साऽनि कल थावनि छै
खुरि कास वखतऽनि गाल गटकार॥
गुरुदेव भविनय

वननुक न दपनुक क्याह छु हाजथ
मटि छै खार सानि किथ हेख पथ
फटवनि नावि हुन्द छुख पतवार॥
गुरुदेव भविनय

ईश्वर-स्वरूप अनि गटि मंज गाश
सीर थव बरकरार यिन गछि फाश
हल कर समस्याइ शोऽमराव नार॥
गुरुदेव भविनय

मऽन मन्दर, आसन म्योन प्राण
खसवन् त वसवुन शाह गुरु ध्यान
पूज वाणी त प्रदिक्षण व्यवहार॥
गुरुदेव भविनय

पोश पूज छसय करान दूरि दूरिय
मजबूरी छम इ कमजूरी
पादुका चानि छम धन् अम्बार॥
गुरुदेव भविनय

आश रुजिन म्यानि यऽच बरकरार
आय भविनय मंगय बारम्बार
परमब्रह्मं अऽसि करान यि जारपार॥
गुरुदेव भविनय

‘राज’ छस चाऽनि छम सथ त सामरथ
अनुग्रह चानिइ सूति यियम अथवथ
दियुन छुय पानय कारण तार॥
गुरुदेव भविनय

भक्ति भेंट

१९९२-९३

चु कन थव आऽरचरस म्यानिस
करय बन्दना दोहस च्यानिस॥

तुलिथ वुफ मनशि दिह त्रुवुथ
स्वर्ग लूकस प्रचंड होवुथ
हुरे गोम लोल-किस पाऽनियस॥

शिव ओसुख त आसख चुय
वूछऽन वाजियन म्ये दिम दृष्टिय
गछान भ्रम नाहक अनजानिस॥

मानव दिह अपऽज पारिजान
करान छस ध्यान छुहम म्येलान
गछान तसल्ली मनस म्यानिस॥

मन मन्दरस अन्दर चोन थान
शहचि खस वस चेइ ललवान
वजान सूहम-ग्रटस त पाऽनिस॥

शिव रुप चोन म्ये गलि गोन्डमुत
अछियन मंज-बाग रछिथ थोवमुत
म्ये छांफ चानिय छि कर्मलानियस॥

सर्वव्यापक तु सर्वशक्तिमान

छु म्योन संचेथ सिरफ च्योन ध्यान
छु गोऽत्त, दियुत्तमुत्त म्ये गंगवानिस॥

चोनुय डोख तु च्यानि आहीइ
चानिय सथ तु राछि चानिइ
घरस बारस छि सूति म्यानिस॥

स्यठा काल ब्रोंह दिचथ चित्तना
गनीमथ छुव इ दोह वारियाह
पलि मा पयेव म्ये अज्ञानिस॥

दया छम चानिइ बड बारगाह
मददगारेनि म्ये माजि शायरिका
नमय न 'राज' काँसि परजानिस॥

२

‘जय गुरुदेव’

१९९३-९४

नित्यं शुद्ध निराभासं, निराकारं निरञ्जनम्
नित्यं बोध चिदानन्दं, तस्मै श्री गुरुवे नमः॥

गोरु सुन्द बजर क्याह, कथि च सन
भक्तिस गोऽरस छुन, जांह ति छेऽन।

काया छि रावणनि-लंका,
कुनि विजि दियस श्रीराम दाह।
सूक्ष्म छु अन्तर आत्मा,
पय थव तमियुक राऽछि कर् हेसन॥

मन्रोज तु मत गफलच अंदर,
ईश्वर स्वरुप छुम घर न्येबर
अऽछि वछ चु थव मूर्ख म बन,
वनि छुन इवान केह शोगिमितेन

माजुक नमुक संबन्ध युथुय,
गुरु शिष्य बंधन जानुन त्युथुय।
येलि येलि सोरेस् शिष्य भावसान,
साहयतस इवान पालान छु प्रऽन॥

फल छुम तुलन कर्मन हुदंय,
निर्गुण स्वरुप चोन छुम डोखुय।
जोतान चु छुख मंज तारकन,
टोठान चु टाठियन तु वरिमतेन॥

साकार रुप अनुग्रह लोबुम,
चरणारबेन्ध अमृत चुहुम।
मेछर, मेहर मस्तानगी,
छम रन्जनावान राथ देयन॥

दुरदान् वुठन हुन्द चोन असुन,
साक्षात सुशिव रुप दर-शुन
स्वर्गुक सोख मेलान अछेऽयोन,
भक्ति-बोछिन तै त्रेशहतेऽन॥

येमि जन्म रोट येमि नाव च्योन,
रथि खोत करम तस नौव तु प्रोन
मन मन्दरस मंज स्वरुप चोन,
कुन म्योन त् चोन तत्त्व कति छु बेन॥

छारुन म्ये छुम क्याह कांसि निश,
दोह ब्योन गछान छा वांसि निश
रोऽज 'राज' गुरु पादुकाई नमान,
दूरि कऽर् प्रणाम साधन मऽतेन॥

५

गुरुवे नमः

१९९४-९५

ईश्वर स्वरूप स्वामी लक्ष्मण जी महाराज
के प्रति श्रद्धा के फूल

चऽय प्राणधार

चऽय जीवन सार

चेऽय मैरव रूप, भविनय नमस्कार॥

हेस ब्रमेयम बोद्ध वेसरेयम

गुरु स्तुति माअज शरेयम

स्वपन मायाई मज करथस बेदार॥

सूक्ष्म रूप छुख कण कण विद्यमान

साकार रूप छुय मोख खोटमुत पान

माया चानिय छम अपरम्पार॥

संसार सोदरस मंज छस यीरान

भंवरन मंजबाग पान गीरान

सेदि बुथि तार दिम छुय म्योन जारपार॥

तन तय मन म्योन नाव् चानि दरिथय

भाव चानि छुय मन चिय माल फिरवान

वाऽर छुम न रटहा साधऽ लइ गोफगार॥

बाल रूप बडि बोड़ रोटऽथन मऽनि मंऽज
गुरु रूप चेऽइ महताब काख मोनथन
शिव रूप सपदेऽव शारिकाइ उद्वार॥

सासबदि रूप नजरि मंज छिम चानिई
वाणी छमन तिम व्येछनावनस किच
डखि छुहम सतगुरु बब, नाज बरदार॥

द्वारकाई मथराई या बृन्दावन
प्रथ जाई च्ये शिष्य छिई पान वथरन
यधछा यिछि चाऽनिय, चोनुय यि वसवहार॥

वति हन्ज लछ छस, वाव छुम लिथवान
दफ छुम न पोरान चाऽनि छम कृपा
'राज' दास चानि छस, छुम चोऽन शेहजार॥

५

गुरुवे नमः

१९९५-९६

असलुक सफर छुम तै करुन
दोल छूम धऽनुन, होल छुम गंडुन
गुरु परम ब्रह्म मदतस म्ये छुम
छस चूनि तसि नालस जरान॥

जोऽनस पेयस गिन्दुन हयोतुम
ग्रंज-रोज तमाश फुटरिम फुटिम
गिन्द बाश नय सूति वांऽस गयम
आमेन पनन येति हुत करान॥

प्रथ शै म्ये बासेयम पजर
सनिरस ति ड्रेंठ आम बलि थजर
गोलुम म्ये प्राण पान तै सेयजर
पानस गयस पानय फरान॥

कीवल वुछुम सोर चोऽन बजर
जाँह दुरिरुक घ्युतथम न जर
खुल नजरि आम भक्तीय बऽर
कातियाह वुछिम अमि मंजि तरान॥

आश्चर्यमय लीला वुछिऽम
म्यूलुम म्ये ती यथ यच्छ करऽम
पानस तु प्राणस लय वुछिऽम
छस माय पानि पानस बरान॥

चानिस दोहस क्याह छुय प्रभाव
जानान सिरफ म्योन भक्ति भाव
कथ छन इ वननचि त् बोजनचि
युस गालि पान त्सि छुख वरान॥

गुरु अनुग्रह सूति आसि यस
कुनि तरफ छुन काँह खोफ तस
हलि हरफ तस सेदि सेदि गछान
तकदीर ति तस यारिइ करान॥

सडिमथ करान आऽसि शऽदि असि
आश्रम दिवान ओस भीठि कछि
छऽकरन आई चाऽनि आस यच्छा
प्रथ जाइ शिष्य छिय लोल बरान॥

पोशि कस तु पूश अजताम कस
थावुम स्थिर प्रंथ होश त् हेस
छस 'राज' प्राराण आलवस
तति तुरनि गुरु नाव छस सौरान॥

२

गुरुदेव की जयन्ती पर स्तुति भेंट

१९९६-९७

छस मातहतथ गुरुदेव च़ेय,
चुय नज़रि मंज थाविजेम
येलि हेयऽख नेप्पथ पननेन शिष्यन हंज
सूति गन्ज़राविजेम॥

साकार रुप चावथस बु अमृत
ज्ञानकुय सानन्द
छुम चऽयोन निराकार रुप मदतस
ध्यान धारनाविजेम॥

दीवी शारिकाइ सूति येलि
शिव शास्त्र वेछ़नावख
दृष्टि मंज सारिय यिनय,
मेति दूरि प्रज़नाविजेम॥

शास्त्रार्थ येलि आसख करान,
महताब काकस सूति
ज्ञान जुऽच़ प्रज़लन यिम तमिच
मेति ज़ान करनाविजेम॥

ईश्वर आश्रम गुप्त गंगा,
येलि चु करहन याद
वापस निथ तोर यज़त सान
बोनि वाव फोलराविजेम॥

छुम मा धर्म या कर्म कोरमुत्त,
युस बनेऽम् आधार
छुख राजदार म्योन कण्डि थरेव
निश जाम बचराविजेम॥

अथ च्येन लकीरन कर्म रेखायन
म्ये कुस बदलेऽम्
आसान करिजेम मुशिकिलन
न्याय सारिअनजराविजेम॥

अनुग्रह छुम चोन हेऽक बु कति
रेऽन चाऽनि नख वालिथ
बेकस त बेबस छस बु गुरु
असलुक सबब करिजेम॥

दासभाव छु असि लोकटेन बडेन
दास सोन सोर परिवार
दितिमति च्ये छिय संस्कार यिम
तिम बरकरार थविजेम॥

भूत तै भविष्य दोशवय स्वपुन
छुम वर्तमान गीरान
गाश चोन प्रजलान सानि घरि
अनिगटि निशे रछिजेम॥

आईन मन छुम साफ निर्मल,
छम न अथ काँह छाया
'राज' सेजर पजरचि नावि मंज छस,
तार गुरु तारिजेम॥

गुरु स्तुति

१९९७-९८

सत्गुरुवे नमः

हा मऽन किथ कऽनि वन मशरावख
माय हऽति मऽति ईश्वर आश्रमकिया।
रंग चेर कुऽजेन तै बोनेऽन हुन्द
बऽडरावान छऽम दुबराय दिलचिय॥

चकरान बोऽद्ध छम चानि रूप स्वरि स्वरि
प्रथ रूप प्रथ नव ज्ञान करनावाथस।- 2
परम भावुक रस चाव मस्त करिथय
कुनि रूप ठऽहराव थांथराय मनचिय॥

तीज तीजस सूतिटन म्युल चोनुय
साकार तै निराकार रूप चोनुय।- 2
लै घनि भक्ति सूति देयन तै राथ
प्रजलाव जुच सत् चित्त आनन्दचिय॥

गोऽर महिमा कुस हेऽकि वेऽछनाविथ
कुस हेऽकि सिर्यस प्रागाश हाविथ।- 2
वर्णातीत कुस करि चोऽन वर्णन
कुस लबि थाह ग्रजवनि सागरचिय॥

ध्यान पजि मऽन युस करि सुय साधान
तस पीडायन गोऽर सुम फुटरान। - 2
म्योन तन अर्पण, म्योन मन अपर्ण
आश छमन, ससारऽकि हेऽन दिनचिय॥

बजरस चानिस निशि कस छु थज़र
थज़रस चानिस निशि कस छु थज़र। - 2
चानि नाव सारिय दीवी तु दीवता।
वत छारान वरदान भखचेनचिय॥

ईश्वर आश्रम छुम बसिथ मनि मंज
जन्म दुहऽचि जयन्ती छु लोगमुत्त संज। - 2
प्रथ शाखाऽय ईश्वर शै मीजिमऽच
सोऽय रीथ छख महिमा वखननचिय॥

दास भाव सोम्बराविम केह शोऽधि भाव
गुरु स्तुति ध्युतमस माय सोऽस नाव। - 2
वाऽस सूरम घर-घर-घर दोहरान
नशनिच विऽज वाऽचम सखरनचिय॥

मोह जिनिंसऽय रेह गुरु शोम्भावुम
असलऽचि अंद वातवनि वथ हावुम। - 2
अज्ञानुक गटजोऽल गछिनम कम
छस 'राज' याचक अनुग्रह धनचिय॥

५६



ईश्वर आश्रम ट्रस्ट को समर्पित
(सर्वाधिकार सुरक्षित)
मूल्य 20 रुपये

Design & Print. P 2 0186-20213, 011-6121313

"Geetanjali"

B.X/6, Dalhousie Road, Pathankot - 145 001

Collection of Late Arjan Nain Handoo, Rainawari. Digitized by eGangotri

(tel) : 0186-20213